

「國家社會科學基金重大項目」

何建明 主編

中國地方志
佛道教文獻匯纂

人物卷

(7)



國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂

人物卷
(7)



國家圖書館出版社

中國地方志佛道教文獻匯纂·人物卷

河北省 廊坊市

文安縣志

陳楨修

李蘭增

陳德沛纂

民國十一年（一九二二）天津源泰印字館鉛印本

仙釋

五代

劉玄英

號燕地廣陵人初名操以明經擢第仕燕主劉守光爲相後得道

宋

嚴安

十州文安人胡煥僕煥居莫金口家稍豐好義經財嚴執役二把煥快密曰兄將死又信煥待之如弟而嚴事煥如兄紹興庚辰春忽可救煥告於妻皆憂容莫知所出後六日雷震於市弟有一術大期已過所謂術者云何嚴即授以秘咒曰可脫兄厄吾亦從此逝矣及期至午煙縵盆興迅雷激電嚴引煥伏桌下急誦咒須臾火光迸裂旋繞左右嚴不知所往矣

明

賢聖僧

盧道士

仙居鄉樊家莊狼虎食人道路爲松有僧持鉢杖錫驅狼伏虎人得安世而居故建祠曰賢聖祠今俗呼村爲狼虎廟者由此程家屯人美鬚髯隱居馬鞍山爲羽客能沐浴衣冠端坐而逝

中國地方志佛道教文獻匯纂·人物卷

河北省 廊坊市

永清縣志

清·周震榮修 章學誠纂

清乾隆四十四年（一七七九）刻本 縣署藏版

闕訪列傳第九

永清縣志第二十四

方技與方外之徒前史俱有專篇。今以尺幅不足占篇而附于闕訪之後。亦猶孝友之附著義門也。金可礪之仁術任和尚之苦行。

非闕其事以俟訪乃闕其篇目以待訪而補之云耳。

金可礪字子卓。鑲藍旗漢軍分屯佃庄村人也。善方技。初爲某王門下醫藥房供役。年老。退居鄉屯。村中有病者。可礪不問貧富。皆爲治之。人有邀視者。雖寒暑風雨。無所避。治之。往往有效。人以此爭重焉。有張生。年四十餘。得勞損疾。久不治。奄奄待斃。次可礪一診。卽有起色。爲處方劑。數月而痊。有河務曹官妻某。卧病數月。初若癥結。其後每語腹中輒作應聲。諸醫不知所爲。可礪曰。此痰也。痰消聲自息矣。處方治之。匝月所患良已。人有怪症疑病。可礪一見。輒能知之。自謂善讀醫經。不如多所閱歷。臨症旣多。病理自不能遁。今生八十八年矣。精神健足。如壯歲前。三數年猶納妾生少子云。

任和尚。逸其名。馬家舖民也。順治年。于本村五蓮寺爲僧。寺久頽。

廢任募重修。露坐村外誦經。祁寒酷暑未嘗稍歇。鄉人與之食則受不與食亦無所求。或餓七八日誦經如故。人以是異之。康熙五十四年寺始落成。任年已八十餘矣。無疾而逝。

介葛聞牛魏錡夢月多文爲富。古人偶用以成頰上之毫可矣。若夫好稱雨粟多識射鳥則王喬見履之奇左慈羊鳴之怪史體蕪穢致訥前修然而天壤之大何所不有方志記傳略舉一二固亦無傷于大雅者也。附于闕訪之末不與持著叢篇亦所以嚴史體爾。

王士正池北偶談予從姊居永清縣嘗於晴晝仰見空中一少女子美而艷粧朱衣素裙手搖團扇自南而北久之始沒。

李攀龍紀幻寓譚曰成化初永清人龐姓遺其名有汴京之役抵旅次一日往開封府門首看演梨園者萬人喝采龐亦隨衆擠看。

晚歸邸舍。有青衣三人來訪云。我輩皆公鄉里有平安字。煩公帶去。省我父母。因相拉至玉津園。勸酬款洽。歡笑竟夕。龐亦感其誠。客以姓氏。三人云。公西鎮後高阜處。有小姑村。卽吾家也。龐擇日北還。三人者爲送於河之滸。殷勤叮嚀。無忘致語。卽抵家卽往西鎮後訪之。惟林木翳鬱。丘阜嶙峋。絕無小姑村下落。旁質之鄉人。亦杳不知其村在何許。一夕輒歸。過北岑。一人迎問曰。君欲到小姑村乎。龐大喜。請與偕往。比至。惟三兩人家。龐因問胡老家可住。此否。其人曰。余表翁也。揖龐先行。屏門峻宇。居如王者。俄有一翁。高冠博帶。儀容甚都。肅客於堂上。龐因以書達翁。笑曰。三小兒久客汴城。魚雁凋絕。得君郵至。奚啻萬金。遂延客晏于別院。金玉輝煌。水陸纈紛。皆生平所未覩。龐人十輩歌紫雲之曲。以侑客觴。龐苦以酒辭。翁重叙款曲。解所佩明珠贈之。龐亦不敢峻拒。納之袖。

中。趙別翁出。偶爲門限所蹶。開目視之。則兀然高阜之上。月已橫
參矣。始知其爲獨窺。今永東南二十里。西鎮之陰。有邱隆然。土人
猶傳以爲故事云。然龐姓縝密不欺。從未嘗輕以告人。恐好事者
或覆其穴。干已冥德。故自以幻爲真耳。龐後享年九十餘。猶無恙。

中國地方志佛道教文獻匯纂·人物卷
河北省 保定市

重脩保定志

明·章律修 張才纂 徐珪重編
明弘治七年（一四九四）刻本

唐

田志亨蠡吾人生而淳淑長而仁孝父母亡親負土築臺高可五尋上構一堂用石鑿曾祖考妣像晨夕以禮事之一日捨妻子為黃冠師李先生學老子法道業寢高乃復從鷄水厯唐卜磨岩而居焉初無止息所惟於栢下坐一磐石而已日乞食於村落暮宿於石所夜有猿猱虎豹魑魅魍魎號泣直前若將咬啮嚙齒而來者師視之若無有巨蛇猛獸張吻眦側師曰若非吾儔胡為而來哉蛇獸

亦俛首而去邑人聞而異之相與鳩工構屋凡往來南北士大夫雲集外戶之屢嘗滿有如唐不到唐若為恨師年八十風骨強健猶若壯童其物外之術祕而不言通真子則師之別號也

張果唐開元中方士有長年術自言數百歲遍遊燕幽名山古剎嘗騎白驢罷則以帑疊巾笥用則以水嚙之輒能變化不測號通玄先生入常山不知所終古老傳云易州洪崖山有張果老丹灶石床即其煉丹處也

張陵不知何時人有仙術趙升從學一日與諸弟子
遊大茂山雲臺絕巖大茂即恒山也有大桃樹下
臨不測陵曰得此者向汝道升遂接下箸樹取桃
滿懷而不得上陵以手援之乃還

王喬蜀人北平山有白蝦蟇謂之肉芝食之得道今
武陽有喬仙祠

漢
五代

張薦明少以儒學遍遊朔方歷覽世故高祖召問道
可以治國乎對曰道者妙萬物以為言得其旨者

尸居衽席可以治天下也高祖大其言延入內殿
講道德經薦明聞宮中奏鼓曰陛下聞鼓聲乎其
聲一而已矣五聲十二律鼓無一焉然和之者鼓
也夫一萬事之本也能守其一可以治天下高祖
善其言號道玄先生

南唐

沈彬學仙仕南唐為吏部侍郎其居有一大柳樹嘗
曰吾死葬此既死穴之乃古塚有漆燈一盞壙頭
碑文云佳城今已開雖開不葬埋漆燈猶未滅留

待沈彬來

宋

羅道成宋慶曆中遊嶽題詩云白驪代步若奔雲
人所至留詩迹欲知名姓問源流請看郴陽山下
石後問鄉人言有真人得道乘白驪行石壁上其
迹至今存焉後與喬同皆隱于唐縣山中今人呼
其山曰羅喬山居址見存

喬同學道年八十益壯坡詩云結茅松山啖松腴云
炯然蓮花出泥塗尔來八十曾垂胡上山如飛噴

人扶後與羅道成隱于唐縣山中今人呼其山曰
羅喬山

李八百名真不知何許人也自稱八百歲徧遊燕幽
之地人莫識者一日行至華陰白鹿先生謂陳搏
曰此神仙李八百動靜不測有詩云一日身遊八
百里三番花落九十年

陳搏五代人宋時居亳州號扶搖子又號希夷先生
愛睡小則旦月大則幾年隱武當華山靈臺觀不
樂仕有大志乘驢由幽燕入汴聞太祖登極大笑